

**STRUKOVNI SINDIKAT MEDICINSKIH SESTARA I TEHNIČARA KANTONA SARAJEVO**  
Kanton Sarajevo - GRAD SARAJEVO  
GRADSKO VIJEĆE  
Vogošća, 31. Jula br.85  
71320 Vogošća

Sarajevo, 27.01.2022. god.  
Br.porotokola : 7/22

PRIMLJENO: 02 FEB 2022  
Org. Jod. Broj: 01-GV-04-167/22  
PREDSJEDNIK GRADSKOG VIJEĆA  
G-din. Jasmin Ademović

**PRIJEDLOG ZA NAGRADE GRADA SARAJEVA**

Poštovani,

Naš prijedlog ispred UO Strukovnog Sindikata Medicinskih Sestara i Tehničara Kantona Sarajevo za nagrade grada Sarajeva je sledeći:

Medicinski tehničar Džebrazil Šišić – posthumno. Bivši uposlenik Zavoda za Hitnu Medicinsku pomoć.

Diplomirana Medicinska sestra Amela Trbić- Uposlenica OBS-a Sarajevo  
Medicinska sestra Lejla Šopović\_ Uposlenica KCUS-a

Svi uposleni su radili i rade sa COVID-19 pozitivnim pacijentima. Zbog doprinosa u borbi sa pandemijom COVID-19 i nesebičnim zalaganjem gore navedenih, rizikujući svoje živote za pacijente i zdravlje građana Kantona Sarajevo, svoj život je dao naš kolega medicinski tehničar Džebrazil Šišić. Početkom agresije na BiH bio je angažovan u Armiji BiH kao medicinski tehničar. U ratnim bolnicama, bio je angažovan kao anestetičar. Nesebično, požrtvovano i profesionalno je obavljao svoje zadatke kako u ratu tako i u miru i na kraju i u ovom vremenu COVID-19 pandemije stao je u prve redove odbrane, borbe protiv ove pošasti gde je na kraju i dao svoj život za bolje sutra.

Kolegica Amela Trbić je od početka pandemije stala na prvu crtu odbrane, boreći se sa ovom pošasti zvanom COVID-19. Nesebično se dajući u poslu, ne štedeći ni sebe niti kolege oko sebe radeći danonoćno neznajući za radno vrijeme, i vrlo malo provedenog vremena sa svojom porodicom. Uspjela je ostvariti najbolje rezultate možda čak i u regionu, na svom Infektivnom odjeljenju, a pokazalo se i naposljetku dokazalo da je briga i njega o pacijentu ključ uspješnog liječenja.

Medicinska sestra-tehničar Lejla Šopović uposlenica kliničkog centra Sarajevo je jedna od brojnih naših kolegica a koja je iskazala veliko požrtvovanje u borbi sa pandemijom. Majka je troje djece što je nije spriječilo da se 04.04.2020.g. dobrovoljno prijavi za rad u izolatorij "Podhrastovi" kao uposlenik intenzivne njege. Dala je veliki doprinos kako u borbi sa korona virusom tako i na svom matičnom odjeljenju KCUS-a.

Predsjednik UO SSMSiTKS  
Mt. Elvedin Vatrec



**Hava Pandžić**

---

**Pošiljatelj:** Elvedin Vatreš <elvedin.vatres@obs.ba>  
**Poslano:** ponedjeljak, 07. februar 2022. 09:00  
**Prima:** Gradsko Vijeće Sarajevo - pisarnica  
**Kopija:** Zinaida Beširević



Poštovani,

Prijedlog za priznanja i nagrade

Dopuna prijedloga za priznanje i nagrade od dana 27.01.2022.g. br. Protokola 7/22. upućenog na Predsjednika Gradskog Vijeća G-din. Jasmin Ademović.

Molimo vas da prijedlog za medicinskog tehničara Džebraila Šišića ide pod Priznanje počasnog gradjanina Grada Sarajeva. Službene novine kanton Sarajevo

Član 7.

Prijedlog za Diplomiranu medicinsku sestru Amelu Trbić i medicinsku sestru Lejlu Šopović ide pod nagradom „Graham Bamford“. Službene novine kantona Sarajevo. Član 11.

Lp.



**M.T. Elvedin Vatreš**

**Referent za standardizaciju, upravljanje rizikom i kontrola kvaliteta**

**Odjeljenje za poslove organizacije i poboljšanja kvaliteta**

J.U. Opća bolnica "Prim.dr. Abdulah Nakaš"

Kranjčevićeva 12, 71000, Sarajevo, BiH

Tel +387 33 285 279

Mob + 387 61 206 904

Fax +387 33 285 370

www.obs.ba

DŽEBRAIL- ŠILE ŠIŠIĆ, rođ. 28.04.1966g. u Sarajevu

Osnovnu školu završio je u Vogošći, Srednju medicinsku školu Bjelave u Sarajevu.

Od 1989g, zaposlen kao medicinski tehničar u Zavodu za hitnu medicinsku pomoć.

Odmah na početku rata bio je angažovan u Armiji BiH kao medicinski tehničar na terenu, te kako se na terenu u ratnim bolnicama ukazala potreba za angažmanom anestezičara u terenskim operacionim salama upućen je na dodatnu edukaciju u tada Vojnu bolnicu u Sarajevu.

Nakon završene obuke raspoređen je u Sanitetski bataljon na gotovo svim ratištima u okolini Sarajeva, u Ratnim bolnicama Igman, Olovo, na Treskavici, Žuči, Rakitnici, te učestvovao u brojnim operativnim zahvatima kako na terenu tako i u Vojnoj bolnici.

Tokom ratnih godina nastavio je sa svojom sportskom karijerom, koju je započeo kao juniorski prvak u BiH u stonom tenisu, preko člana Rukometne reprezentacije BiH, te Rukometnog kluba Željezničar.

Po završetku rata nastavio je raditi kao hitni medicinski tehničar u Zavodu za hitnu medicinsku pomoć KS, gdje je časno i pošteno obavljao svoj posao medicinskog tehničara sve do smrti 21.08.2020g. Umro je od posljedica Covida 19 infekcije zarazivši se na radnom mjestu. Izgubio je život da bi pomogao drugome.

Poznat kao sportista, rukometaš i teniser, uvijek za poštenju i fer igru, kao medicinski tehničar pun znanja i entuzijzma pomagao je mlađim kolegama, prenosio svoje znanje i umijeće, pomagao mladim ljekarima na početku karijere na terenu, činio da se s njim osjećaju sigurnije. Njegove mlađe kolege su ga iz poštovanja zvali „čika Šile“.

Poznat i kao osoba širokog duha, veseo i nasmijan, po riječima svojih kolega, svojom pojavom je unosio svjetlost i vedrinu, olakšavao svojim šalama težak rad na terenu. Voljen i omiljen širio je oko sebe radost i smijeh.

Po izjavama njegovih kolega iz Zavoda za hitnu medicinsku pomoć dan njegove smrti je bio „najteži poslijeratni dan u Hitnoj pomoći“. Bio je prvi zdravstveni radnik žrtva Covida u Sarajevu.

Na dan dženaze je organizovana povorka koju su sačinjavala sva vozila Zavoda za hitnu medicinsku pomoć koji su vozili zadnji krug kroz Sarajevo u čast svog voljenog i poštovanog kolege. Najtužnija povorka Zavoda za hitnu medicinsku pomoć za čovjeka koji je svaki svoj trenutak života živio za svoj grad i njegove građane.

Njegova slika je i danas u Zavodu za hitnu medicinsku pomoć kao simbol borbe sa pandemijom i sa porukom da zdravstveni radnici cuvaju i štite sve oko sebe ali najmanje sebe.

Nagrada za najboljeg Hitnog medicinskih tehničara smjene za 2020g. ga je zatekla u bolnici samo nekoliko dana pred smrt.

Izražavajući poštovanje prema njemu, njegovom radu, njegovom liku Udruženje hitnih medicinskih tehničara Federacije BiH nagradu za životno djelo za najboljeg hitnog medicinskog tehničara u Federaciji BiH nazvali „Zlatna plaketa Džebrail –Šile Šišić“.

Džebrail Šišić -Šile, sportista, rukometaš, teniser, hitni medicinski tehničar, voljeni otac i suprug, brat i sin ostao je u srcima svih koji su ga poznavali a naročito onih koji su imali priliku raditi s njim.



*Datum rođenja: 23/04/1981  
Državljanstvo: bosansko-hercegovačko  
Spol: žensko*

*KONTAKT:  
Adresa: Prijeka česma 20, 71 000 Sarajevo  
e-mail: lejlasopovic@icloud.com  
tel: (+387) 62920680*

Poštovani,

Moje ime je Lejla Šopović. Rođena sam u Sarajevu 23.04.1981. godine. U svom rodnom gradu završavam osnovnu školu kao i Srednju medicinsku školu Bjelave. Radni odnos kao medicinska sestra – tehničar, zasnivam na klinici za Kardiologiju 2006. godine gdje radim kao medicinska sestra intenzivne njege. 2009. godine prelazim na Kliniku za anesteziju i reanimaciju na poziciju medicinska sestra – anestetičar. Svoj posao od prvog dana obavljam sa velikom ljubavlju i nesebičnim zalaganjem.

Majka sam troje djece, što me nije u bilo kom kontekstu spriječilo da se 04.04.2020. godine dobrovoljno prijavim za rad u izolatoriju „Podhrastovi“ kao uposlenik intenzivne njege, gdje sam prvih jedanaest mjeseci bez prekida na dobrovoljnoj osnovi radila sa najtežim COVID pacijentima. Odvajanje od porodice mi je jako teško palo, ali želja u pomaganju pacijentima oboljelim od COVID infekcije, o kojoj smo tada imali minimalno znanje, mi je pomogla da istrajem i potrudim se da doprinesem ljudima oboljelim, kao i svima kojima sam bila u mogućnosti pomoći. O svom iskustvu bi se dalo napisati mnogo, ali nema dovoljno jakih riječi kojima bih mogla prenijeti ono što smo mi kao zdravstveni radnici na prvoj liniji odbrane preživjeli i naučili, što je ujedno i ostavilo značajan trag na sve nas.

U nadi da se više nikada ponoviti neće, a spremna odazvati se svakom novom izazovu,

Srdačno vas pozdravljam,

Lejla Šopović

Ime i prezime: Amela Trbić
Adresa stanovanja: Firduzbegova 16
E-mail: trbicamela@gmail.com
Broj telefona: 033/532-263

## ***BIOGRAFIJA***

Amela Trbić rođena je 12.06.1973. godine u Sarajevu. Nakon završene Osnovne škole „Moris Moco Salom“ u Sarajevu 1987. godine upisuje Srednju školu za medicinske sestre/tehničare - Jezero. Istu završava 1991. godine i stiče zvanje „akušersko-ginekološka sestra/tehničar“. Rat je provela u Sarajevu.

Po završetku pripravničkog staža 1996. godine, nastavlja volonterski rad sve do 1998. godine kada je primljena u radni odnos u JU Opća bolnica „Prim. dr. Abdulah Nakaš“. S ciljem da se što više edukuje i poboljša kvalitet svog rada, 2012. godine upisuje Fakultet zdravstvenih studija u Sarajevu. Isti završava 2016. godine i stiče zvanje „diplomirana medicinska sestra/tehničar“.

Svoje stalno zaposlenje ostvarila je u JU Opća bolnica „Prim. dr. Abdulah Nakaš“, te je svojim radom i znanjem rado pristupila poboljšanju kvalitete rada u ovoj ustanovi. U periodu od 1998. do 2000. godine je radila na Odjeljenju hirurgije (Opća hirurgija, ortopedija/plastika, liječene i tretirane ratne povrede).

Od 2000. do 2012. godine je radila na Odjelu hirurške intenzivne njege. Odmah nakon toga, sve do 2020. godine radila je na Odjelu za fizikalnu medicinu i rehabilitaciju.

Ono što bi posebno istakla jeste period od novembra 2020. do oktobra 2021. godine kada je radila kao odgovorna sestra na COVID i POSTCOVID odjelu koji je tad bio u sastavu Internog odjeljenja. Svoj posao kao odgovorna sestra obavljala je savjesno, vrlo profesionalno i pokazala je odlične komunikacijske sposobnosti kako sa pacijentima tako i sa osobljem.

U najkritičnijim trenucima pandemije, ostajala je pribrana i fokusirana te je sve poslove i zadatke obavljala bez greške i bez najmanje mrlje u svom radu.

Sudjelovala je u nekoliko domaćih seminara i simpozija, među kojima rado ističe:

- V Kongres medicinskih sestara i tehničara u Bosni i Hercegovini sa međunarodnim učešćem, Sarajevo 2011. godine;
- Prvi bh simozij s međunarodnim učešćem „COVID I POSTCOVID“, Sarajevo 2021. godine.

Aktivno govori engleski jezik i poznaje rad na računaru.